



Broj: 01/2-04-1578-3/21
Breza, 01.07.2021. godine

Na osnovu člana 64. stav (1) tačka (b), člana 70. st. (1), (3) i (6) Zakona o javnim nabavkama („Službeni glasnik BiH“, broj 39/14) i člana 116. Statuta Općina Breza – Prečišćeni tekst („Službeni glasnik Općine Breza“ broj: 8/09), na Preporuku Komisije za javne nabavke (broj 02/1-2-11-1578-7/21 od 30.06.2021. godine) u postupku javne nabavke radova: „Redovno održavanje lokalnih cesta i ulica na području Općine Breza,“ Općinski načelnik, d o n o s i

ODLUKU
o izboru najpovoljnijeg ponuđača
„Redovno održavanje lokalnih cesta i ulica na području Općine Breza“

Član 1.

Prihvata se Preporuka Komisije za javne nabavke (broj 02/1-2-11-1578-7/21 od 30.06.2021. godine) i Ugovor za javnu nabavku radova: „Redovno održavanje lokalnih cesta i ulica na području Općine Breza,“ dodjeljuje se izabranom ponuđaču „AME“ d.o.o. Breza, ponuda (broj 23/21 od 16.06.2021. godine), za ponuđenu cijenu od 63.100,00 KM bez PDV-a, odnosno 73.827,00KM sa PDV-om, kao najbolje ocijenjenom ponuđaču.

Član 2.

- (1) Prijedlog Ugovora o nabavci dostavit će se na potpis izabranom ponuđaču u roku od 10 (deset) dana računajući od dana kada su svi ponuđači obaviješteni o izboru najpovoljnije ponude.
- (2) Izabrani ponuđač je dužan dostaviti dokaze o kvalificiranosti u roku od 5 (pet) dana nakon što svi ponuđači budu obaviješteni od strane ugovornog organa o rezultatima postupka nabavke, a prema tački C)1)1. tenderske dokumentacije.
- (3) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, odluka o izboru najpovoljnijeg ponuđača će se poništiti.

Član 3.

Za izvršenje ove Odluke zadužuje se i ovlašćuje Služba za privredu i Služba za finansije, inspeksijske poslove i opću upravu.

Član 4.

Ova Odluka objavit će se na web-stranici Općine Breza, www.breza.gov.ba, istovremeno s upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Zahtjevom za pokretanje postupka javne nabavke broj:02/1-2-11-1578/21 od 08.06.2021.godine i Odlukom o pokretanju postupka javne nabavke broj: 01/2-04-1576/21 od 08.06.2021. godine.

Javna nabavka je provedena putem postupka konkurentskog zahtjeva za dostavu ponuda.

Procijenjena vrijednost javne nabavke radova: „Redovno održavanje lokalnih cesta i ulica na području Općine Breza,“ bez PDV-a iznosi 65.603,00 KM.

Tenderska dokumentacija broj:02/1-2-11-1578-1/21 od 10.06.2021.godine i Obavještenje o nabavci broj:726-7-3-21-3-7/21 od 10.06.2021.godine su objavljeni na Portalu javnih nabavki. Na osnovu obavještenja na Portalu javnih nabavki, tendersku dokumentaciju sa portala E-nabavke je preuzelo 9 (devet) ponuđača i to:

1. EKAPIJA DOO
2. NAHONAL-GAS D.O.O. BREZA
3. AME D.O.O. BREZA
4. TERMO-BETON D.O.O.BREZA
5. DINALSA D.O.O. SARAJEVO
6. BBS EUROPE
7. ADO-TRANS D.O.O.
8. BUCOMERC
9. MUŠINBEGOVIĆ GRADNJA D.O.O.VISOKO

Komisija za javnu nabavku imenovana je Rješenjem (broj 01/2-04-1576-1/21 od 18.06.2021.godine).

Komisija za javnu nabavku dostavila je dana 30.06.2021.godine, Zapisnik o pregledu i ocjeni ponuda, broj: 02/1-2-11-1578-6/21 i Preporuku o izboru najpovoljnijeg ponuđača, broj: 02/1-2-1578-7/21 u postupku javne nabavke: „Redovno održavanje lokalnih cesta i ulica na području Općine Breza.“

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije)
- da su blagovremeno zaprimljene 2 (dvije) ponude
- da nije bilo neblagovremeno zaprimljenih ponuda
- da su ponude ponuđača: „AME“ d.o.o. Breza i „NAHONAL-GAS“ d.o.o. Breza, prihvatljive ponude.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, u skladu sa kriterijima iz tenderske dokumentacije, te kroz sistem „E-nabavke“ provela „e-Aukciju,“ u skladu sa Pravilnikom o uslovima i načinu korištenja e-Aukcije od 21.07.2016.godine.

E-aukcija je održana dana 24.06.2021.godine u 14,10 sati.

Iz izvještaja o toku i završetku “e-aukcije” koji je kreiran 25.06.2021.godine u 7,32 sati jasno je vidljivo :

POČETNA RANG LISTA PONUĐAČA KOJI SU POZVANI DA UČESTVUJU U E-AUKCIJI:

R.b.	Naziv ponuđača	IDB/JIB	Početna cijena u KM bez PDV-a	Rang
1.	AME d.o.o.Breza	4218105170009	65.555,00	1
2.	NAHONAL-GAS d.o.o.Breza	4218113350008	65.600,00	2

KONAČNA RANG LISTA PONUĐAČA KOJI SU UČESTVOVALI U E-AUKCIJI:

R.b.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	AME d.o.o.Breza	4319066100007	63.100,00	3,74%**	1
2.	NAHONAL-GAS d.o.o.Breza	4202840990008	63.634,00	3%**	2

**Označava približnu vrijednost procentualnog umanjenja nakon zaokruživanja na dvije decimale

U postupku ocjene provedenog postupka, Općinski načelnik, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove odluke. Žalba se podnosi u pisanoj formi Uredu za razmatranje žalbi, a putem Ugovornog/prvostepenog organa.

Predlagač: Služba za privredu, Salih Hasanspahić

Obrađivač: Jasmina Došlić

DOSTAVLJENO:

- 1x Svim ponuđačima koji su učestvovali u postupku JN
- 1x Služba za privredu
- 1x Služba za finansije, inspeksijske poslove i opću upravu
- 1x Viši samostalni referent - administrator mreže
- 1x Evidencija
- 1x a/a

OPĆINSKI NAČELNIK

Vedad Jusić